

Headlines

1. जम्मू कश्मीर सरकार नै मुलाजमें ते पंशनरें दा मैहगाई भत्ता बधाइयै 246 प्रतिशत करी ओड़ेआ ऐ।
2. प्रधानमंत्री सूर्य पर मुफ्त बिजली योजना तैहत् छत्ते पर 10 लक्ख सौर ऊर्जा सयंत्र स्थापत कीते गे न।
3. सरकार दिऐं स्कीमें दी असरदार अमलावरी कन्नै रियासी च डेयर पोल्ट्री सेक्टर बधा-फुल्ला'रदा ऐ।
4. रंग दा ध्यार होली पूरे देसै च बड़े जोश ते जज्बे कन्नै मनाया जा'रदा ऐ। राष्ट्रपति, उपराष्ट्रपति ते प्रधानमंत्री होरें होली दी पूर्व संजा पर देशवासिऐं गी अपनियां शुभकामनां भेंट कीतियां न।

<><><><><><>

DA-Increased

जम्मू-कश्मीर सरकार नै अपने मुलाजमें ते पेंशनरें लेई मैहगाई भत्ते गी 6में तनखाह आयोग तैहत् बेसिक तनखाई दे 239 प्रतिशत थमां बधाइयै 246 प्रतिशत करी ओड़ेआ ऐ। आकाशचाणी जम्मू दे संवाददाता दी रिपोर्ट मूजब खजाना विभाग दे इक हुकमै मूजब एह बधाया गेदा डीऐ पैहली जुलाई 2024 थमां लागू होग। जुलाई 2024 थमां फरवरी 2025 तगर बनदिऐं बाहू किशतें दे बकाये दा भुगतान मार्च 2025 च नकद बंडेआ जाग ते म्हीने परती औने आलिऐं तनखाई ते पेंशनें च शामिल करी लैता जाग।

<><><><><><>श

PM-Surya Ghar

दुनिया दी सब्बने शा बड्डी घरेलू ते सूरज दी रोशनी सरबंधी हिले पीएम सूर्य घर मुफ्त बिजली योजना ते 10 लक्ख लाभार्थिऐं कन्नै इक ऐतिहासक उपलब्धि हासल कीती ऐ। जंदे ब'रे फरवरी म्हीने च रंभ कीती गेदी बवस्था गी तेजिया कन्नै बदला'रदी ऐ। इस पैहल तैहत् 6 लक्ख शा बद्ध लाभार्थिऐं गी सब्सिडी दे तौरा पर 4 ज्हार 770 करोड़ रुपें शा बद्ध रकम प्रदान कीती गई। चंडीगढ़ ते दमन दीव च सौ प्रतिशत सरकारी इमारतें दिऐं छत्तें पर सौर ऊर्जा प्लांट स्थापत कीते जाई चुके दे न। राजस्थान, महाराष्ट्र, गुजरात ते तमिलनाडू च बी बेहतर नतीजे सामने आवा करदे न। 3 किलोवाट तगर घरें च लोआए जाने आली सौर ऊर्जा प्रणाली लेई तकरीबन 7 प्रतिशत ब्याज पर बगैर कुसै जमानत दे दोहार-कर्ज उपलब्ध करोआया जंदा ऐ। एह्दे कन्नै बिजली बिल घट्ट करने दे अलावा लोकें बाद्ध बिजली गी डिस्कू गी बेचियै अतिरिक्त कमाई बी करी सकदे न।

<><><><><><>

HADP

समग्र कृषि विकास कार्यक्रम एचएडीपी एकीकृत डेयरी विकास योजना आईडीडीएस ते एकीकृत कुकड़ी पालन विकास प्रोग्राम आईपीडीपी दी अमलावरी नै रियासी जिले च डेयरी ते पोल्ट्री क्षेत्र दे लगातार विकास ताई बेहतर मंच तैआर कीता ऐ। जम्मू संभाग दे होरने जिलें थमां पिछड़े दा जिला रियासी हुन डीसी निधि मलिक हुंदी नुमायंदगी ते मुख्क पशुपालन अफसर सीएचडी छॉ. रवि कुमार कैथ ते उंदी टीम दिऐं कोशशें कन्नै सरबंधत क्षेत्र तेजिया कन्नै अगगे बधा'रदे न। जिले दे बक्ख-बक्ख ब्लाकें च दुध किट्टा करने लेई आटो मैटिक इकाइयां स्थापत कीतियां गेइयां न।

<><><><><><>

Fisheries Ramban(byte)

मच्छी पालन च नमिएं काह्डें गी बढावा देने लेई मच्छी पालन मैहकमा रामबन तकनीकी प्रगति मच्छी पालन च स्थिरता गी बढावा देने ते मत्स्य पालन स्टार्ट अप राएं उत्पादन ते मर्थ बधाने लेई कम्म करा करदा ऐ। राश्ट्री मच्छी पालन विकास बोर्ड एनएफडीबी कार्यक्रम तैहत जागरूकता शिविरें दा सरिस्ता कीता जा करदा ऐं इस शिविर च करसानें गी केन्द्र प्रायोजत स्कीमें ते सब्सिडी दे लाह् बारे दस्सेआ जा'रदा ऐ। साढ़े संवाददाता कन्नै गल्ल करदे होई मच्छी पालन मैहकमे दे सहायक निदेशक अताउल्लाह खान होरें दस्सेआ.....बाईट

<><><><><><>

CM-Omar

मुख्यमंत्री उमर अब्दुल्ला होरें जंदे वीरवारें विधासभा च जानकारी दित्ती जे पुर्नगठन मगरा जम्मू कश्मीर ते लद्दाख संघ शासत प्रदेशें बश्कार संपत्ति, देनदारिएं ते बजट दी पारदर्शी बंड गी जकीनी करने लेई इक कमेटी बनाई गई ऐ। आकाशवाणी जम्मू दे संवाददाता दी रिपोर्ट मूजब मिनबर, केसर जमशेद लोन हुंदे इत्त सरबंघे च पुच्छे गेदे सुआल दे परते च मुख्यमंत्री होरें आखेआ जे एह प्रक्रिया आम प्रशासनिक विभाग दी 30 अक्तूबर 2020 आली इक नोटिफिकेशन एसओ-339 मूजब सबूरी कीती जाग। उनें आखेआ जे संपत्ति, देनदारिएं ते बजट दी बंड इस तरीके कन्नै कीती जाग, जे दौनें संघ शासत प्रदेशें गी बनकदा हक्क थोई सकै। इस प्रक्रिया दे सबूरा होने पर 31 अक्तूबर 2020 गी अधिकारिक गैजट नोटिफिकेशन जारी कीती गई। मुख्यमंत्री होरें जिंदे कश खजाना विभाग दा पदभार बी ऐ, अगगे आखेआ जे कमेटी दियां मतियां सिफारशां लागू करी दित्तियां गेदियां न। उनें दस्सेआ जे 2 जहार 504 करोड़ 46 लक्ख रपे दियां माली देनदारियां लद्दाख गी मुतकिल करनियां न। इस मामले पर गृह मंत्रालय ते लद्दाख प्रशासन कन्नै गल्लबात चला'रदी ऐ।

<><><><><><>

Disabilities Persons Benefits

जम्मू कश्मीर च प्रशासन नै पिछले 6एं ब'रे च दिव्यागें गी विशेष किस्म दियां 5 जहार स्कूटिया हासल करोआइयां न। आकाशवाणी जम्मू दे संवाददाता दी रिपोर्ट मूजब 5 जहार 432 विशेष फिटिंग आलियां स्कूटियां, 2019 ब'रे थमां 2024 तगी दिव्यागें च तकसीम कीतियां गेइयां। एहदे अलावा 546 होर स्कूटियां 2025 ब'रे च बी बंडिया जांगन तां जे मिथेया गेदा लक्ष्य पूरा कीता जाई सकै। समाज कल्याण विभाग जम्मू च दुष्टि बाधित दिव्यांग बच्चें लेई इक स्कूल ते श्रीनगर च बोलें बच्चें लेई इक स्कूल चलाया जा'रदा ऐ, जिंदे च 176 बच्चे न। विशेष दिव्यागता आईडी पैहलकदमी नै जम्मू कश्मीर च 92. 88 प्रतिशत दिव्यागें तगर पहुंच बनाई लैती दी ऐ। 1 लक्ख 91 जहार 193 यूडरआईडी कार्ड जारी कीते गेदे न ते इत्त सरबंघे च राश्ट्रीय सतह पर जम्मू कश्मीर 6में पायदान पर पुज्जी गेदा ऐ। राज्यें च रोजगार दे बांढे विकास लेई 550 दिव्यागें गी सरकारी सेक्टर च नौकरियां दित्तियां गेइयां न।

<><><><><><>

Holi

रंगे दर ध्यार होली अज्ज पूरे मुख्य च हर्षो-उल्लास कन्नै मनाई जा'रदी ऐ। एह ध्यार बुराई उप्पर अच्छाई दी जित्त ते बसंत ऋतु दे औने दा प्रतीक ऐ। होली शा दक दिन पैहले होलिका दहन कन्नै रंभ होंदा ऐ। होली दा ध्यार समानता प्रेम ते भाईचारे दा सनेहा दिंदी ऐ की जे हर जाति, उमर ते लिंग दे लोक होली दे ध्यार गी बड़े उत्साह कन्नै मनांदे न। राश्ट्रपति द्रौपदी मुर्मू उपराश्ट्रपति जगदीप धनखड़ ते प्रधानमंत्री नरेन्द्र मोदी होरें देशवासिएं गी होली दी ममारकबाद दित्ती ऐ। मुख्यमंत्री उमर अब्दुल्ला होरें जम्मू कश्मीर दे लोकें गी होली दे ध्यार पर शुभकामनां दित्तियां न। उनें मेद दस्सी जे एह ध्यार लोकें च आपसी समोघ ते भाईचारे दी भावना गी मजबूत करोग।

<><><><><><>

डिवीजनल कमीशनर जम्मू रमेश कुमार होरें आईजी पुलस भीम सेन टूटी हुंदे कन्नै जिला प्रशासन आस्सेआ होली, ईद ते नराते दे ध्यारें लेई कीती जा'रदिएं तैआरिएं दा जायजा लैने लेई इक उच्ची सतह दी बैठक दी अध्यक्षता कीती। डिवीजनल कमीशनर होरें जरूरी चीजें बस्ते दी दस्तेयाबी ते स्पलाई, बिजली स्पलाई, धार्मिक थाहरें, आले दुआले ते जिले दिएं मुख् थाहरें पर साफ सफाई लेई कीते गेदे प्रबंधें दा जायजा लेआ ते अफसरें गी जरूरी दिशा निर्देश जारी कीते। आईजीपी जम्मू होरें पुलस अधिकारिएं गी ध्यारें दरान सोहगे रेइयै जमीनी सतह पर हाजर रौहने लेई आखेआ। पूरे डिवीजन च कनून बवस्था बनाई रखने लेई उनें सुरक्षा बलें दी तैनाती लेई बी निर्देश जारी कीते न।

<><><><><><>

Old Age

जम्मू कश्मीर च यूटी प्रशासन नै 19 जिलें च बर्जुगें लेई आसरमें स्थापत कीते। जित्थें वरिष्ठ नागरिकें गी सेहत सहूलतां ते मनारंजन सरबंधी सुविधा उपलब्ध करोआइयां जा करदियां न। आकाशवाणी दे जम्मू संवाददाता नै दस्सेआ जे जम्मू ते श्रीनगर दौनें शैहरें च मजूद समें च त्रै डेकेयर आसरमें चला'रदे न। इत्थें बर्जुग नागरिक लोड़चदिएं सेवा दा लाह ठोआंदे न ते समें-समें नी उनेंगी सेहत जांच दी सहूलत बी उपलब्ध करोआई जंदी ऐ। कश्मीर संभाग दे अनंतनाग ते गांदरबल च दो वृद्धश्रम वरिष्ठ नागरिकें लेई मजूद न। केन्द्र शासत प्रदेश च वरिष्ठ नागरिकें लेई 809 टकोहदे शिविरें दा सरिस्ता कीता गेआ जिंदे च 51 जहार वरिष्ठ नागरिकें हिस्सा लैता। बर्जुगें दी दिक्ख रिक्ख लेई 31 जनें गी टकोहदे तौरा पर सिखलाई दित्ती गेई ऐ। एहदे अलावा सरकारै 2024-25 दरान बक्ख-बक्ख कल्याणकारी योजना ते कार्यक्रम राएं 7 लक्ख 22 जहार 93 बर्जुगें तोड़ी पुज्ज बनाई गेई।

<><><><><><>

Shabd Services

प्रसार भारती दी सांझी कीती गेदी आडियो विजुअल प्रसारण सेवा नै इस म्हीने इक ब'रा मुकम्मल करी लैता ऐ। इस सेवा गी इक होर ब8रे लेई अगड़ा बधाया गेआ ऐ। प्रसार भारती नै घोषणा कीती ऐ जे शब्द तोड़ी मुफ्त पुज्ज मार्च 2026 तगर जारी रौहग। सूचना ते प्रसारण मंत्रालय ने इस गल्ला पर लोह पांई जे शब्द कश 1500 शा बद्ध पोटरे सवांददाता ते स्टींगरें दा इक तगड़ा नेटवर्क ऐ। शब्द पर कृषि, प्रौद्योगिकी, विदेशी मामलें ते सियासी घटनाएं पर 1000 शा बद्ध स्टोरियां दा ध्याड़े मुख् भारतीय भाषाएं व अपलोड कीतियां जा'रदियां न।

<><><><><><>

DDC Udhampur

जिला विकास परिषद उधमपुर दे प्रधान लाल चंद होरें कल जिला कैपेक्स बजट 2024-25 यूटी कम्पोनेंट, इलाकाई विकास योजना, पीआरआई ते डीडीसी कम्में सनें नमिएं योजना तैहत जिले दिएं बक्ख-बक्ख थाहरें पर चला'रदे तरक्की बाद्धे आले कम्में दी समीक्षा कीती। डीडीसी अध्यक्ष होरें कम्में च अजे तगर हासल होए दे माली तरक्की दा जायजा लैता ते एबीडीपी, एडीपी ते होर दुइएं परियोजना तैहत ब्लाक वाइस जानकारी मंगी। अध्यक्ष होरें डीडीसी मिंबरें गी आखेआ जे ओह अपने अपने इलाकें च चला'रदे कम्में दी रफ्तार ते मयार दी जाति तौरा पर निगरानी करन।

<><><><><><>